

Broj: 02-05-20964-3/15
Sarajevo, 23.07.2015. godine

Na osnovu člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka), Vlada Kantona Sarajevo na **13.** sjednici održanoj **23.07.2015.** godine, donijela je sljedeći

ZAKLJUČAK

1. Utvrđuje se Prijedlog zakona o izmjenama i dopunama Zakona o izvršenju sankcija u Kantonu Sarajevo.
2. Predlaže se Skupštini Kantona Sarajevo da doneše zakon iz tačke 1. ovog Zaključka, u skladu sa članom 145. Poslovnika Skupštine Kantona Sarajevo ("Službene novine Kantona Sarajevo", br. 41/12 - Drugi novi prečišćeni tekst i br. 15/13 i 47/13).

PРЕМИЈЕР

Elmedin Konaković

Dostaviti:

1. Predsjedavajući Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo pravde i uprave
5. Ministarstvo finansija
6. Evidencija
7. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
VLADA**

**ZAKON
O IZMJENAMA I DOPUNAMA ZAKONA O IZVRŠENJU SANKCIJA U KANTONU
SARAJEVO
(Prijedlog)**

**OBRAĐIVAČ
Ministarstvo pravde i uprave**

Sarajevo, juli 2015. godine

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na _____ sjednici od _____ 2015. godine, donijela je

PRIJEDLOG

ZAKON O IZMJENAMA I DOPUNAMA ZAKONA O IZVRŠENJU SANKCIJA U KANTONU SARAJEVO

Član 1.

(Izmjena u članu 2.Zakona)

U članu 2. Zakona o izvršenju sankcija u Kantonu Sarajevo ("Službene novine Kantona Sarajevo", broj 27/07) riječi u zagradi: "kažnjeno lice" zamjenjuju se riječju "kažnjenik".

Član 2.

(Izmjene člana 3. stav (1) i tačka d) Zakona)

U članu 3. stav (1) riječi: "kažnjena lica" zamjenjuju se riječju: "kažnjenici", a u stavu (1) tačka d) riječi: "Kantonalna javna ustanova "Disciplinski centar za maloljetnike (u dalnjem tekstu: Disciplinski centar za maloljetnike)," zamjenjuju se riječima: "Kantonalna Javna ustanova "Odgojni centar Kantona Sarajevo (u dalnjem tekstu Odgojni centar),".

Član 3.

(Izmjene i dopune člana 21. Zakona)

U članu 21. riječi u zagradi: "disciplinske mjere" zamjenjuju se riječima: "mjere upozorenja i usmjeravanja", a iza riječi: "Krivičnog zakona Federacije Bosne i Hercegovine" dodaje se zarez i riječi: "Zakona o zaštiti i postupanju sa djecom i maloljetnicima u krivičnom postupku".

Član 4.

(Izmjena naziva Poglavlja I Zakona)

Naziv "POGLAVLJE I-IZVRŠENJE DISCIPLINSKE MJERE UPUĆIVANJA U DISCIPLINSKI CENTAR ZA MALOLJETNIKE" mijenja se i glasi:
"POGLAVLJE I - IZVRŠENJE ODGOJNE MJERE UPUĆIVANJA U ODGOJNI CENTAR"

Član 5.

(Izmjena člana 22. Zakona)

Član 22. mijenja se i glasi:

"Član 22.

(Odgojni centar)

Odgojna mјera upućivanja u odgojni centar izvršava se u Odgojnem centru."

Član 6.

(Izmjena člana 23.Zakona)

U članu 23. riječi: "Disciplinskom centru za maloljetnike" zamjenjuju se riječima: "Odgojnom centru".

Član 7.

(Izmjena člana 24. Zakona)

Član 24.mijenja se i glasi:

“Član 24.

(Prijem maloljetnika u Odgojni centar)

- (1) Prijem maloljetnika u Odgojni centar vrši se na osnovu izvršne odluke suda i druge neophodne dokumentacije utvrđene aktom o prijemu, tretmanu i otpustu maloljetnika.
- (2) Centar za socijalni rad, u dogovoru sa Odgojnim centrom, poziva maloljetnika da se određenog dana i sata, u pratnji roditelja, usvojitelja ili staratelja, javi u Odgojni centar, radi izvršenja odgojne mjere.
- (3) Izvršenje odgojne mjere počinje od dana kad se maloljetnik javi u Odgojni centar.”

Član 8.

(Izmjena člana 25. Zakona)

Član 25. mijenja se i glasi:

“Član 25.

(Obaveze roditelja, usvojitelja i staratelja i
Odgojnog centra)

- (1) Roditelj, usvojitelj ili staratelj maloljetnika dužan je da obezbijedi redovni dolazak maloljetnika u Odgojni centar, najkasnije u roku od 48 sati, a u slučaju da maloljetnik, iz opravdanih razloga, bude spriječen da dođe određenog dana u Odgojni centar, dužan je da o tome odmah obavijesti Odgojni centar.
- (2) Ukoliko se, zbog nediscipline, ometanja ili onemogućavanja izvršenja mjere od strane maloljetnika, mjera ne može izvršiti, Odgojni centar dužan je u roku 76 sati obavijestiti nadležni sud radi poduzimanja odgovarajućih mjer.”

Član 9.

(Izmjena člana 26. Zakona)

U članu 26. stav (1) riječi: “disciplinski centar za maloljetnike”, zamjenjuje se riječima: “odgojni centar”, a riječi: “praznične dane ili određeni broj sati u”, brišu se.

U stavu (2) riječi: Disciplinski centar za maloljetnike”, zamjenjuju se riječima: “Odgojni centar”.

U stavu (3) riječi: “Disciplinski centar za maloljetnike”, zamjenjuju se riječima: “Odgojni centar”, a riječi: “šest sati”, zamjenjuje se riječima: “četiri sata”.

Član 10.

(Izmjena člana 27. st. (1) i (2) Zakona)

U članu 27. st. (1) i (2) riječi: ”Disciplinski centar za maloljetnike” zamjenjuju se riječima :”Odgojni centar”.

Član 11.

(Izmjena člana 28. Zakona)

Član 28. mijenja se i glasi:

“Član 28.

(Pridržavanje pravila kućnog reda i uputstava i savjeta)

Maloljetnik je dužan da se u Odgojnom centru pridržava pravila kućnog reda i uputstava i savjeta ovlaštenih stručnih radnika. “

Član 12.

(Izmjene u POGLAVLJU III Zakona)

U POGLAVLJU III - ODGODA I PREKID IZVRŠENJA ODGOJNIH MJERA , Odjeljak A. Odgoda i prekid mjere upućivanja u disciplinski centar i mjere pojačanog nadzora u drugoj obitelji “riječi: “disciplinski centar” zamjenjuju se riječima : ”odgojni centar”.

Član 13.

(Izmjena člana 44.stav (1) Zakona)

U članu 44.stav (1) riječi: “disciplinski centar “ zamjenjuju se riječima:”odgojni centar”.

Član 14.

(Izmjena člana 47. stav (3) Zakona)

U članu 47.stav (3) riječi: “Disciplinskom centru za maloljetnike” zamjenjuju se riječima: “Odgojnom centru”.

Član 15.

(Izmjena člana 52. Zakona)

(1) U članu 52. u stavu (1), iza riječi „Općinski sud“, dodaju se riječi: „ili drugi organi iz člana 3. ovog zakona koji izdaju prekršajne naloge“.

(2) Dodaje se novi stav (2) koji glasi:

„(2) Ovlašteni organi iz stava (1) ovog člana, će svojim propisom regulisati postupanje (uništavanje, prodaju ili predaju odgovarajućem ovlaštenom organu) sa oduzetim predmetima.“

(3) Dosadašnji stav (2), postaje stav (3).

Član 16.

(Stupanje na snagu Zakona)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Sarajevo,_____
Broj:_____

PREDSJEDAVAJUĆI
SKUPŠTINE KANTONA SARAJEVO

Sejo Bukva

O B R A Z L O Ž E N J E

PRAVNI OSNOV

Pravni osnov za donošenje ovog zakona sadržan je u odredbama člana 18. tačka b) Ustava Kantona Sarajevo , kojima je utvrđena zakonodavna nadležnost Skupštine Kantona Sarajevo, člana 1. stav 2. i čl. 196. i 219. Zakona o izvršenju krivičnih sankcija u Federaciji Bosne i Hercegovine, kojima je utvrđena nadležnost kantona da svojim zakonom reguliše izvršenje novčanih kazni, prekršajnih sankcija, mjera sigurnosti i odgojnih mjeru koje nisu regulisane ovim federalnim zakonom.

RAZLOZI DONOŠENJA

Zakonom o izvršenju sankcija u Kantonu Sarajevo regulisano je izvršenje odgojno-disciplinske mjeru upućivanja u disciplinski centar za maloljetnike, izrečene u krivičnom postupku maloljetnim učiniocima krivičnih djela, na osnovu Krivičnog zakona Federacije BiH.

Novim Zakonom o zaštiti i postupanju sa djecom i maloljetnicima u krivičnom postupku („Službene novine FBiH“, broj 7/14)(*objavljen dana 29.1.2014.godine, a počinje s primjenom 6.02.2015.godine*), utvrđena su posebna pravila postupanja prema djeci koja su u sukobu sa zakonom, mlađim punoljetnim osobama i djeci koja su žrtve ili svjedoci prema kojima su dužni postupati sudovi, tužiteljstva, uključujući ovlaštene službene osobe, organe starateljstva, porodice, škole, institucije na svim nivoima društvene zajednice, kao i druge učesnike uključene u krivičnu procedure, te utvrđena obaveza da se, do početka njegove primjene, usklade odredbe Krivičnog zakona, Zakona o krivičnom postupku, Zakona o izvršenju krivičnih sankcija, Zakona o prekršajima i odredbe drugih propisa iz oblasti zaštite prava djece i maloljetnika sa ovim zakonom.

Toj obavezi podliježe i ovaj kantonalni zakon.

Novim Zakonom o zaštiti i postupanju sa djecom i maloljetnicima izmijenjene su odredbe koje se odnose na navedenu odgojnu mjeru, u pogledu:

- naziva mjeru (nije disciplinska mjeru već mjeru upozorenja i usmjeravanja), koja se izriče kada je potrebno i dovoljno takvom mjerom uticati na ličnost i ponašanje maloljetnika,
- dužine trajanja koju određuje sud:
 - a) na određeni broj sati tokom dana u trajanju najmanje 14 dana a najduže 30 dana;
 - b) na neprekidni boravak u trajanju najmanje 15 dana, ali ne duže od tri mjeseca.

(do sada je bilo propisano:

- a) na određeni broj sati tokom dana blagdana, ali najviše četiri uzastopna dana blagdana;
- b) na određeni broj sati tokom dana, ali najduže u trajanju do jednog mjeseca;
- c) na neprekidni boravak tokom određenog broja dana, ali ne duže od dvadeset dana),
- izvršenja odgojne mjeru upućivanja u odgojni centar nadležan je odgojni centar (a ne disciplinski centar) u mjestu prebivališta ili boravišta maloljetnika u vrijeme kada je odluka kojom je mjeru izrečena postala izvršna (ne putem centra za socijalni rad),
- slučajeva kad je uz izvršenje odgojne mjeru upućivanja u odgojni centar sud izrekao i mjeru pojačanog nadzora, odnosno posebnih obaveza, vrši se u saradnji sa organom starateljstva-centrom za socijalni rad, koji prati izvršenje odgojne mjeru pojačanog nadzora, odnosno mjeru posebnih obaveza,
- prijema maloljetnika u ustanovu, vrši se na osnovu izvršne odluke suda i druge neophodne dokumentacije utvrđene aktom o prijemu, tretmanu i otpustu maloljetnika (do sada putem centra za socijalni rad),
- da se maloljetniku upućenom u odgojni centar na period duži od četiri sata dnevno (do sada šest sati dnevno) osigurava se odgovarajući broj obroka hrane,
- utvrđenih rokova i organa kojima se dostavljaju izvještaji o izvršenju mjeru,

- kada se zbog nediscipline, ometanja ili onemogućavanja izvršenja mjere od maloljetnika mјera ne može izvršiti, odgojni centar dužan je u roku 76 sati (do sada 48 sati) obavijestiti nadležni sud radi poduzimanja odgovarajućih mјera (do sada putem centra za socijalni rad),
- boravka maloljetnika u odgojnem centru, koji mora biti ispunjen djelatnostima primjerenim njegovim osobinama učenjem, korisnim radom koji odgovara njegovim sposobnostima i interesima, kao i drugim odgojnim sadržajima usmjerenim na razvijanje osjećaja odgovornosti (do sada u disciplinskom se centru maloljetnik može zaposliti na korisnim radovima koji odgovaraju njegovim godinama života, ukoliko on ili njegov staratelj na to pristanu).

PRAVNA RJEŠENJA

Član 1. – Ovim članom se vrši terminološko usaglašavanje termina “kažnjeno lice” sa terminom “kažnjenik” u skladu sa odredbama Zakona o prekršajima (“Službene novine FBiH”, broj 63/14)

Član 2. – Ovim članom, pored terminološkog usaglašavanja kao i u prethodnom članu, mijenja se naziv Kantonalne javne ustanove “Disciplinski centar za maloljetnike” u Javnu ustanovu “Odgojni centar Kantona Sarajevo”.

Član 3. – Ovim članom vrši se dopuna odgojnih mјera koje se mogu izricati kažnjenicima u skladu sa odredbama Zakona o zaštiti i postupanju sa djecom i maloljetnicima u krivičnom postupku.

Član 4. – Ovim članom se usaglašava naziv poglavlja sa izmjenama naziva JU “Odgojni centar Kantona Sarajevo”.

Član 5. – Ovim članom se mijenja izvršenje odgojne mјere upućivanja koji se od sada izvršavaju u JU “Odgojnom centru Kantona Sarajevo”.

Član 6. – Usaglašavanje naziva “Disciplinski centar za maloljetnike” sa novim nazivom “Odgojni centar”.

Član 7. - Ovim članom se vrši usaglašavanje načina prijema maloljetnika u Odgojni centar sa odredbama federalnog Zakona o zaštiti i postupanju sa djecom i maloljetnicima u krivičnom postupku.

Član 8. – U ovom članu, pored terminološkog usaglašavanja naziva Odgojnog centra, vrši se usaglašavanje sa odredbama federalnog Zakona o zaštiti i postupanju sa djecom i maloljetnicima u krivičnom postupku u pogledu obaveza roditelja, staratelja i Odgojnog centra.

Član 9. – U ovom članu se mijenja naziv odgojne mјere i organa u kojem se odgojna mјera izvršava. Odgojna mјera upućivanja u disciplinski centar za maloljetnike, zamjenjuje se odgojnom mjerom upućivanja u odgojni centar, a organ izvršenja mјere je Odgojni centar umjesto Disciplinskog centra za maloljetnike. Mјera upućivanja u odgojni centar se više ne može izvršavati u praznične dane, pa su te odredbe brisane. Također, maloljetniku upućenom u Odgojni centar obezbjeđuje se odgovarajući broj obroka hrane ako je maloljetnik upućen na period duži od četiri sata, umjesto šest sati kako je do sada bilo propisano.

Član 10. – Usaglašavanje naziva “Disciplinski centar za maloljetnike” sa novim nazivom “Odgojni centar”.

Član 11. – Ovim članom utvrđuje se obaveza maloljetnika da se pridržava kućnog reda i uputa stručnih radnika.

Član 12. - Usaglašavanje naziva “Disciplinski centar za maloljetnike” sa novim nazivom “Odgojni centar” u POGLAVLJU III Zakona.

Član 13. - Usaglašavanje naziva “Disciplinski centar za maloljetnike” sa novim nazivom “Odgojni centar”.

Član 14. - Usaglašavanje naziva "Disciplinski centar za maloljetnike" sa novim nazivom "Odgojni centar".

Član 15. – Vrši se usaglašavanje odredbi ovog člana sa članom 31. Zakona o prekršajima na način da se, pored nadležnog suda, određuju i drugi ovlašteni organi da svojim propisima regulišu postupanje sa oduzetim predmetima.

Član 16. - Utvrđuje se rok za stupanje na snagu ovog zakona.

POTREBNA FINANSIJSKA SREDSTVA

Za provođenje ovog zakona nije potrebno obezbijediti sredstva u Budžetu Kantona Sarajevo.



124

18-07-2015

an

Broj: 09-02-19726/15
Sarajevo, 07.07.2015. godine

KANTON SARAJEVO
MINISTARSTVO PRAVDE I UPRAVE

PREDMET: Stručno mišljenje na prijedlog Zakona o izmjenama i dopunama Zakona o izvršenju sankcija u Kantonu Sarajevo.-

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Precišćeni tekst) i čl. 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi precišćeni tekst, 30/11-Ispravka i 23/15), Ured za zakonodavstvo Vlade Kantona Sarajevo, daje slijedeće

M I Š L J E N J E

1. Ured za zakonodavstvo Vlade Kantona Sarajevo nema primjedbi na dostavljeni tekst prijedloga Zakona o izmjenama i dopunama Zakona o izvršenju sankcija u Kantonu Sarajevo po pitanju njegove usklađenosti sa odredbama ustava i Zakona o zaštiti i postupanju sa djecom i maloljetnicima u krivičnom postupku ("Službene novine Federacije Bosne i Hercegovine", broj: 7/14).

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi precišćeni tekst, 30/11-Ispravka i 23/15), te se isti može razmatrati na jednoj od narednih sjednica Vlade Kantona Sarajevo.

Dostaviti:
1. Naslovu
2. Evidencija
3. Arhiva



web: <http://uz.ks.gov.ba>
e-mail: ured@ks.gov.ba;
Tel/fax: + 387 (0) 33 560-448
Sarajevo, Hamida Dizdara 1



18 -07- 2015

Bosna i Hercegovina
 Federacija Bosne i Hercegovine
KANTON SARAJEVO
 Ministarstvo finansija



Bosnia and Herzegovina
 Federation of Bosnia and Herzegovina
CANTON SARAJEVO
 Ministry of Finance

Broj: 08-01-02-19725/15 L.E.
 Sarajevo, 08. 07. 2015. godine


Ministarstvo pravde i uprave
- O v d j e -

PREDMET: Mišljenje na Prijedlog Zakona izmjenama i dopunama Zakona o izvršenju sankcija u Kantonu Sarajevo

U skladu sa odredbama člana 13. Zakona o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“ br. 27/12-Precišćeni tekst, 41/12 i 08/15) i člana 3. stav (4) Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, br. 21/11-Novi precišćeni tekst i 30/11-Ispravka), Ministarstvo finansija razmotrilo je Prijedlog navedenog zakona i daje slijedeće:

M I Š L J E N J E

Prijedlog zakona o izmjenama i dopunama Zakona o izvršenju sankcija u Kantonu Sarajevo nije u suprotnosti sa finansijskim propisima, te kako za implementaciju ovog zakona nije potrebno obezbjediti dodatna sredstva u Budžetu Kantona Sarajevo, to Ministarstvo finansija nema primjedbi na ovaj Prijedlog zakona.



MINISTAR

Broj: d. Jasmin Halebić



efela

web: <http://mf.ks.gov.ba>
 e-mail: mf@mf.ks.gov.ba;
 Tel: + 387 (0) 33 565-005, Cent: + 387 (0) 33 565-010
 Fax: + 387 (0) 33 565-052 i 565-042
 Sarajevo, Martala Tita 62



PRILOZI

ODREDBE ZAKONA KOJE SE MIJENJAJU I DOPUNJUJU:

ZAKON O IZVRŠENJU SANKCIJA U KANTONU SARAJEVO ("Službene novine Kantona Sarajevo", broj 27/07)

Član 2.

(Način izvršenja sankcija i mjera)

Sankcije i mjere iz člana 1. ovog Zakona, izrečene učiniocu krivičnog djela (u dalnjem tekstu: osuđeno lice) i prekršaja (u dalnjem tekstu: kažnjeno lice) izvršavaju se na način uređen ovim Zakonom.

Član 3. stav (1) tačka d)

(Organi izvršenja sankcija i mjera)

- (1) Na teritoriji Kantona, sankcije i mjere iz člana 1. ovog Zakona, za osuđena lica i kažnjena lica, koja imaju prebivalište, boravište, odnosno sjedištena teritoriji Kantona (u dalnjem tekstu: prebivalište), izvršavaju slijedeći organi:
d) Kantonalna javna ustanova "Disciplinski centar za maloljetnike" (u dalnjem tekstu: Disciplinski centar za maloljetnike).

Član 21.

(Primjena zakona u izvršenju odgojnih mјera)

Odgojne mјere (disciplinske mјere i mјere pojačanog nadzora), izrečene osuđenom maloljetnom licu, izvršavaju se na način i po postupku utvrđenom odredbama Krivičnog zakona Federacije Bosne i Hercegovine i Zakona o izvršenju krivičnih sankcija u Federaciji Bosne i Hercegovine (u daljem tekstu: Federalni zakon), koje se odnose na izvršenje odgojnih mјera, i ovim Zakonom.

POGLAVLJE I - IZVRŠENJE DISCIPLINSKE MJERE UPUĆIVANJA U DISCIPLINSKI CENTAR) ZA MALOLJETNIKE

Član 22.

(Disciplinski centar za maloljetnike)

Disciplinska mјera upućivanje u disciplinski centar za maloljetnike, na određeni broj sati u praznične dane ili na određeni broj sati u toku dana ili na neprekidni boravak na utvrđeni broj dana (u dalnjem tekstu: disciplinska mјera), izvršava se u Disciplinskom centru za maloljetnike.

Član 23.

(Dostavljanje izvršne odluke Centru za socijalni rad i Disciplinskom centru za maloljetnike)

Izvršnu odluku, kojom je maloljetniku izrečena disciplinska mјera, Općinski sud dostavlja Centru za socijalni rad i Disciplinskom centru za maloljetnike.

Član 24.

(Početak izvršenja)

- (1) Centar za socijalni rad, u dogovoru sa Disciplinskim centrom za maloljetnike, poziva maloljetnika da se određenog dana i sata, u pratinji roditelja, usvojitelja ili staratelja, javi u Disciplinski centar za maloljetnike, radi izvršenja disciplinske mjere.
- (2) Izvršenje disciplinske mjere iz člana 22. ovog Zakona počinje od dana kad se maloljetnik javi u Disciplinski centar za maloljetnike.

Član 25.

(Obaveze roditelja, usvojitelja i staratelja, Disciplinskog centra za maloljetnike i Centra za socijalni rad)

- (1) Roditelj, usvojitelj ili staratelj maloljetnika dužan je da obezbijedi redovni dolazak maloljetnika u Disciplinski centar za maloljetnike, najkasnije u roku od 48 sati, a u slučaju da maloljetnik, iz opravdanih razloga, bude spriječen da dođe određenog dana u Disciplinski centar za maloljetnike, dužan je da o tome odmah obavijesti Disciplinski centar za maloljetnike.
- (2) Ako se maloljetnik određenog dana i u određeno vrijeme ne javi Disciplinskom centru za maloljetnike ili prestane da redovno dolazi, Disciplinski centar za maloljetnike o tome obavještava Centar za socijalni rad i Općinski sud, radi preuzimanja odgovarajućih mjera.

Član 26.

(Vrijeme izvršavanja)

- (1) Disciplinska mjera upućivanja u disciplinski centar za maloljetnike na određeni broj sati u praznične dane ili na određeni broj sati u toku dana, izvršava se između 8 i 20 sati, u slobodnom vremenu maloljetnika usklađenom sa školskim i radnim obavezama.
- (2) Maloljetniku, upućenom u Disciplinski centar za maloljetnike na neprekidni boravak na utvrđeni broj dana, obezbjeđuje se smještaj i ishrana.
- (3) Maloljetniku, upućenom u Disciplinski centar za maloljetnike na period duži od šest sati dnevno, obezbjeđuje se odgovarajući broj obroka hrane.

Član 27.

(Plan i program za rad s maloljetnikom)

- (1) Disciplinski centar za maloljetnike donosi plan i program za rad s maloljetnikom.
- (2) Disciplinski centar za maloljetnike organizuje obavljanje korisnih radova prilagođenih uzrastu maloljetnika, sklonostima i sposobnostima, a u skladu sa utvrđenim školskim ili radnim obavezama maloljetnika.

Član 28.

(Pridržavanje pravila kućnog reda i uputstava i savjeta)

- (1) Maloljetnik je dužan da se, u Disciplinskom centru za maloljetnike, pridržava pravila kućnog reda i uputstava i savjeta ovlaštenih stručnih radnika.
- (2) Ako se, zbog nediscipline maloljetnika ili lica iz člana 25. ovog Zakona, disciplinska mjera ne može izvršiti, Disciplinski centar za maloljetnike, najkasnije u roku od 48 sati, o tome obavještava Centar za socijalni rad i Općinski sud, radi preuzimanja odgovarajućih mjera.

POGLAVLJE III - ODGODA I PREKID IZVRŠENJA ODGOJNIH MJERA

Odjeljak A.

Odgoda i prekid mjere upućivanja u disciplinski centar i mjere pojačanog nadzora u drugoj obitelji

Član 44.

(Odgoda izvršenja)

- (1) Izvršenje odgojnih mjer upućivanja u disciplinski centar i pojačanog nadzora u drugoj obitelji, može se odgoditi na molbu maloljetnika, njegovog roditelja, staratelja ili usvojitelja, bračnog druga ili na prijedlog Centra za socijalni rad, u slučaju:
- a) ako je maloljetnik obolio od teže akutne bolesti;
 - b) ako se desio smrtni slučaj ili teška bolest u užoj obitelji maloljetnika;
 - c) ako se maloljetnik nalazi neposredno pred završetkom škole ili polaganja ispita za koji se pripremao, pa bi mu izvršenje odgojne mjer u ovom momentu moglo nepovoljno uticati na izvršenje tih obaveza;
 - d) ako trudnoj maloljetnici do porođaja ne preostaje više od pet mjeseci, kao i maloljetnici koja ima dijete mlađe od jedne godine života.
- (2) Izvršenje odgojne mjer u slučaju iz tačke a) stava (1) ovog člana može se odgoditi dok bolest traje, u slučaju iz tačke b) stava (1) ovog člana - najduže za tri mjeseca, u slučaju iz tačke c) stava (1) ovog člana - najduže za šest mjeseci, a u slučaju iz tačke d) stava (1) ovog člana, trudnoj maloljetnici, kao i maloljetnici koja ima dijete mlađe od jedne godine života - do navršene jedne godine života djeteta.

Član 47.

(Pravo žalbe protiv rješenja kojim se odbija odgoda izvršenja)

- (1) Protiv rješenja kojim se odbija molba za odgodu izvršenja odgojne mjeru, podnositelj ima pravo žalbe u roku od tri dana od dana prijema rješenja, Kantonalmu sudu u Sarajevu (u dalnjem tekstu: Kantonalni sud).
- (2) Kantonalni sud donosi rješenje o žalbi u roku od tri dana od dana prijema žalbe.
- (3) Rješenje iz stava (2) ovog člana je konačno i dostavlja se, u roku od tri dana, podnosiocu molbe i Disciplinskom centru za maloljetnike, odnosno Centru za socijalni rad.

Član 52.

(Oduzimanje predmeta)

- (1) Zaštitnu mjeru oduzimanja predmeta izvršava Općinski sud, na način propisan zakonom.
- (2) Troškovi koji nastanu prinudnim izvršenjem zaštitne mjeru iz stava (1) ovog člana snosi lice kome je ta mjeru izrečena.

DRUGI RELEVANTNI PROPISI

USTAV KANTONA SARAJEVO

**("Službene novine Kantona Sarajevo", broj 1/96, 2/96 - Ispravka, 3/96 - Ispravka,
16/97, 14/00, 4/01, 28/04 i 6/13)**

Član 18.

Nadležnosti Skupštine

Skupština Kantona:

b)donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;

ZAKON

O IZVRŠENJU KRIVIČNIH SANKCIJA U FEDERACIJI BOSNE I HERCEGOVINE

("Službene novine Federacije BiH", br. 44/98, 42/99, 12/09 i 42/11)

Član 1. stav 2.

Pitanja koja se odnose na izvršenje novčanih kazni, sankcija za privredne prijestupe, prekršajnih sankcija, mjera sigurnosti i odgojnih mjera koje nisu regulisane ovim zakonom, uredit će se kantonalnim-županijskim zakonom.

Član 196.

Odgojne mjere, osim odgojne mjere upućivanja u odgojnopravni zavod, izvršava nadležna ustanova socijalne skrbi na način i po postupku predviđenim čl. 191. do 195. ovog zakona i kantonalnim-županijskim zakonom.

Član 219.

Odgađanje i prekid izvršenja zavodske odgojne mjere uređuje se kantonalnim-županijskim zakonom.

ZAKON O ZAŠTITI I POSTUPANJU SA DJECOM I MALOLJETNICIMA U KRIVIČNOM POSTUPKU

“Službene novine Federacije Bosne i Hercegovine”, broj 7/14)

/29.1.2014./

(Primjena od 6.02.2015.godine)

Član 32.

Vrste odgojnih mjera

(1) Odgojne mjere su:

- a) mjere upozorenja i usmjeravanja:** sudske ukore, posebne obaveze i upućivanje u odgojni centar,
 - b) mjere pojačanog nadzora:** pojačani nadzor od roditelja, usvojitelja ili staratelja; pojačani nadzor u drugoj porodici i pojačani nadzor nadležnog organa socijalnog staranja i
 - c) zavodske mjere: upućivanje u odgojnu ustanovu, upućivanje u odgojno-popravni dom i upućivanje u posebnu ustanovu za liječenje i osposobljavanje.
- (2) Mjere upozorenja i usmjeravanja izriču se kada je potrebno i dovoljno takvim

mjerama uticati na ličnost i ponašanje maloljetnika.

(3) Mjere pojačanog nadzora izriču se kada za odgoj i razvoj maloljetnika treba poduzeti trajnije mjere odgoja, preodgoja, uz odgovarajući stručni nadzor i pomoć, a nije potrebno potpuno odvajanje maloljetnika iz dotadašnje sredine.

(4) Zavodske mjere izriču se maloljetniku prema kojem treba poduzeti trajnije i intenzivnije mjere odgoja ili liječenja uz njegovo potpuno odvajanje iz dotadašnje sredine. Zavodske mjere primjenjuju se kao posljednje sredstvo i smiju trajati u granicama određenim ovim zakonom samo koliko je potrebno da bi se ostvarila svrha odgojnih mjera.

Član 36.

Upućivanje u odgojni centar

(1) Sud izriče mjeru upućivanja u odgojni centar kada je potrebno da se odgovarajućim kratkotrajnim mjerama utiče na ponašanje maloljetnika.

(2) Maloljetnika kojem je izrečena mjeru iz stava (1) ovog člana sud može uputiti u odgojni centar:

- a) na određeni broj sati tokom dana u trajanju najmanje 14 dana a najduže 30 dana;
- b) na neprekidni boravak u trajanju najmanje 15 dana, ali ne duže od tri mjeseca.

(3) Pri izricanju mjeru iz stava (1) ovog člana sud vodi računa da zbog njenog izvršenja maloljetnik ne izostane sa redovne školske nastave ili posla.

(4) Boravak maloljetnika u odgojnem centru mora biti ispunjen djelatnostima primjerenim njegovim osobinama učenjem, korisnim radom koji odgovara njegovim sposobnostima i interesima, kao i drugim odgojnim sadržajima usmjerenim na razvijanje osjećaja odgovornosti.

(5) Sud može u toku trajanja ove mjeru izmijeniti ranije donesenu odluku tako da maloljetniku odredi boravak u odgojnem centru za određeni broj dana ili odredi boravak na određeni broj sati u toku dana, a može skratiti, odnosno produžiti trajanje neprekidnog boravka u centru ili trajanje boravka u centru na određeni broj sati.

(6) Uz odluku o upućivanju u odgojni centar sud može izreći i neku od mjeru pojačanog nadzora.

(7) Ako maloljetnik neopravdano odbija ili na drugi način ometa izvršenje izrečenih posebnih obaveza ili odgojne mjeru pojačanog nadzora, sud može odlučiti da ga zbog toga uputi u odgojni centar na neprekidni boravak u trajanju od najduže mjesec dana.

B) Izvršenje mjeru upućivanja u odgojni centar

Član 138.

Nadležnost i provođenje

(1) Za izvršenje odgojne mjeru upućivanja u odgojni centar nadležan je odgojni centar u mjestu prebivališta ili boravišta maloljetnika u vrijeme kada je odluka kojom je mjeru izrečena postala izvršna.

(2) U slučajevima iz člana 36. st. (6) i (7) ovog zakona izvršenje odgojne mjeru upućivanja u odgojni centar vrši se u saradnji sa organom starateljstva koji prati izvršenje odgojne mjeru pojačanog nadzora, odnosno mjeru posebnih obaveza.

Član 139.

Boravak maloljetnika u odgojnom centru

- (1) Maloljetnik za vrijeme izvršenja mjere boravka u odgojnom centru na određeni broj sati tokom dana ostaje kod roditelja, usvojitelja ili staratelja, nastavlja pohađati školu ili odlaziti na posao. Mjera boravka u odgojnom centru na određeni broj sati tokom dana izvršava se u periodu od 08 do 20 sati u slobodnom vremenu maloljetnika uskladenom sa školskim ili radnim obavezama.
- (2) Prijem maloljetnika u ustanovu vrši se na osnovu izvršne odluke suda i druge neophodne dokumentacije utvrđene aktom o prijemu, tretmanu i otpustu maloljetnika.
- (3) Maloljetniku upućenom u odgojni centar na neprekidni boravak osigurava se smještaj i ishrana. Maloljetniku upućenom u odgojni centar na period duži od četiri sata dnevno osigurava se odgovarajući broj obroka hrane.
- (4) Izvještaj o toku i rezultatima provedbe mjere dostavlja se na zahtjev sudiji, tužitelju i organu starateljstva tokom samog trajanja mjere i obavezno po njenom isteku, a u slučaju kada je ova mjera određena u najdužem trajanju (član 36.stav (2) tačka b) svakih 15 dana.
- (5) Ukoliko se zbog nediscipline, ometanja ili onemogućavanja izvršenja mjere od maloljetnika mjera ne može izvršiti, odgojni centar dužan je u roku 76 sati obavijestiti nadležni sud radi poduzimanja odgovarajućih mjer.
- (6) Dokumentacija maloljetnika koja sadrži podatke o identitetu maloljetnika i postupku izricanja i izvršavanja ove odgojne mjere povjerljive je prirode i dostupna je samo nadležnim organima u skladu sa zakonom.
- (7) Sve ustanove, organizacije, institucije i druga pravna lica obavezna su sarađivati sa odgojnim centrom radi što efikasnije provedbe ove mjere, a u najboljem interesu maloljetnika.

Član 201.

Prestanak važenja

Do početka primjene ovog zakona uskladit će se odredbe Krivičnog zakona, Zakona o krivičnom postupku, Zakona o izvršenju krivičnih sankcija, Zakona o prekršajima i odredbe drugih propisa iz oblasti zaštite prava djece i maloljetnika sa ovim zakonom.

Član 202.

Stupanje na snagu

Ovaj zakon stupa na snagu osmog dana od dana objavljivanja u "Službenim novinama Federacije BiH", a primjenjivat će se istekom godine dana nakon stupanja na snagu.

**IZVJEŠTAJ
O PROVEDENIM KONSULTACIJAMA NA NACRT
ZAKONA O IZMJENAMA I DOPUNAMA ZAKONA O IZVRŠENJU SANKCIJA
U KANTONU SARAJEVO**

Skupština Kantona Sarajevo je, dana 27.05.2015. godine, utvrdila nacrt Zakona o izmjenama i dopunama Zakona o izvršenju sankcija u Kantonu Sarajevo i isti uputila u javnu raspravu u trajanju od 15 dana.

Nacrt Zakona je bio dostavljen svim kantonalnim organima, jedinicama lokalne samouprave, naučnim i stručnim ustanovama.

Nakon proteka ostavljenog roka Ministarstvo pravde i uprave pripremilo je prijedlog Zakona za narednu sjednicu Vlade Kantona Sarajevo.

Primjedbe, prijedloge i sugestije dostavili su pismeno:

1. Pravobranilaštvo Grada Sarajeva – aktom broj 01-08-Gp-58/15 od 16.06.2015.godine, gdje ističe da nema primjedbi na tekst nacrta Zakona;
2. Općinski načelnik Općine Hadžići – aktom broj 02/3-14-5-5461/15 od 29.06.2015. godine, kojim podržavaju donošenje Zakona u predloženom tekstu;
3. Služba za boračko-invalidsku i socijalnu zaštitu Općine Vogošća – aktom broj 09/1-int-22/15 od 11.06.2015. godine, u kojem navode da nemaju primjedbi na dostavljeni tekst nacrta Zakona.